



05.04.2024

UPA2024/34

**Uunga siunnersuut: Peqqinnissaqarfiup iluani napparsimasut  
naammagittaalliuuteqarsinnaaneratt taarsiiffigineqarsinnaanerallu pillugit Inatsisartut Inatsisaat**

(Peqqissutsimut Naalakkersuisoq)

Peqqinnissaqarfiup iluani napparsimasut naammagittaalliuuteqarsinnaaneratt taarsiiffigineqarsinnaanerallu pillugit Inatsisartut Inatsisaat allanngortinneqarnissaa pillugu Inatsisartut Inatsisaat pillugu imaattumik Siumumiit oqaaseqassaagut.

Siumuminngaaniit Naalakkersuisut inatsimmik allannguinissaanni peqqinnissaqarfiup iluani napparsimasut naammagittaalliuuteqarsinnaaneratt taarsiiffigineqarsinnaanerallu pillugu inatsisartut inatsisaat allanngortinniarnernani Siumumiit taperserlugu oqaatigissuarput.

Siumuminngaaniit pingaartipparput nunatsinni innuttaasut peqqinnissaqarfimminngaaniit paqqutarineqarlutik napparsimanerminnik nakorsartinnerminni nunatsinni qallunaat nunaanni kiisalu aamma nunani allani sullinneqarsinnaaneratt pitsaasumik toqqissisimanartumillu ingerlalluarneqarsinnaanera isumannaassallugu.

Taamatut oqareerluta aamma eqqunngitsumik innuttaasut passunneqarnerminnik peqqinnissaqarfimminngaaniit naammagittaalliorsinnaanerannik periutsit eqaatsut atorneqarnissaat isumannaarneqarnissaannik peqataaffigissuarput. Naalakkersuisormi oqarneratuut naammagittaalliuutigineqartut ukiuni arlaqartuni pisinnaasarneratt Siumumiit isumaqataaffigigatsigu. Massakkullu Naalakkersuisut eqaallisaaniarlutik naammagittaalliuutigisartunik sukkanerusumik sullinneqartarnissaannik innuttaasunik sulissuteqarneratt Siumuminngaaniit nuannaarutigalugu oqaatigissuarput.

Siumuminngaaniimmi ilisimaarigatsigu innuttaasut naammagittaalliornerminni akissuteqarnissamut periarfissaq sivitsorpallaaleraangat inummut pineqartumut tarnimikkut inuttut sannngiillisaatigisaqigaat. Ilaqutaasunullu aamma sunniuteqarnerlulersarluni.

Siumuminngaaniillu neriuutigilluinnarparput inatsisip allanngortinneqarneratta kingunerisaanik innuttaasunik pitsaasumik malunnaatilimmillu sunniuteqartuarumaartoq.

Taamatut siumumiit oqaaseqarluta Naalakkersuisut inatsisissatut siunnersuutaat taperserlugu aappassaaneertinnagu ilaqutariinnut peqqinnermullu ataatsimiitaliamut ingerlateqqinneqassasoq kissaatigaarput.

*Mala Høy Kúko*

*Siumut*